

Na osnovu člana 24, stav 15 Statuta PFS IO PFS Gradiškana svojoj sjednici održanoj: 13.09.2012. donosi novelirani

## Poslovnik o radu organa PFS Gradiška

### Član 1.

Skupština PFS Gradiška ima 32 redovna i 16 zamjenskih pravovaljanih i verifikovanih članova-delegata i jedino oni mogu učestvovati u radu Skupštine sa pravom glasa koji je neprenosiv na drugu osobu.

### Član 2.

Svaki član Skupštine ima pravo na učešće u diskusiji po dnevnom redu u jednom navratu, uz pravo replike, odnosno, ispravke .

### Član 3.

Svaki član ima pravo prijedloga izmjene i dopune dnevnog reda, ako njegov prijedlog prihvati natpolovična većina prisutnih članova Skupštine.

### Član 4.

Predsjedavajući Skupštine ne može odbiti prijedlog za izmjenu ili dopunu dnevnog reda bez izjašnjenja Skupštine, izuzimajući odredbi člana 16 stav 15 Statuta PFS kada se dnevni red mora poštivati i raspravljati isključivo po istome.

### Član 5.

Predsjedavajući ima pravo prekinuti diskutanta ako isti narušava dignitet Skupštine, služi se uvredljivim ili neprimjernim načinom izražavanja, izreći mu usmenu opomenu, ili ga udaljiti sa dotične sjednice, procjenivši da li ponašanje diskutanta zavrijedjuje disciplinsku prijavu.

### Član 6.

Skupštinom predsjedava, rukovodi, sumira zaključke i predlaže na usvajanje Predsjedavajući Skupštine koji je statutarno i predsjednik PFS, ali isti nema pravo glasa na Skupštini.

### Član 7.

Način glasanja utvrđen je članom 22 stav 1 i 2 Statuta PFS Gradiška /tajno, javno dizanjem ruku/.

### Član 8.

Učešće u radu Skupštine može biti dozvoljeno članovima IO PFS, članovima Pravnih tijela i gostima, uz dopuštenje predsjedavajućeg, ali ne može biti predmetom glasanja i donošenja odluka /ima savjetodavno svojstvo/.

### Član 9.

Zapisnik Skupštine vodi izabrani zapisničar. ovjeravaju ga izabrana 2/dva/ izabrana ovjerivača zapisnika i isti se dostavlja na adrese sva četiri OFS-a koji su dužni dostaviti svojim članovima Skupštine. Na isti zapisnik se može uputiti primjedba u roku od mjesec dana, a ako nema primjedbi Zapisnik se smatra definitivno usvojenim.

Član 10.

Učešće zamjenskog delegata Skupštine je izvodivo isključivo sa odredbama čl. 16 stav 12 Statuta PFS Gradiška.

Član 11.

Sjednice IO PFS se održavaju na način regulisan čl.23 Statuta PFS Gradiška. Svaki član ima pravo učestvovanja u donošenju dnevnog reda i raspravi po istom na primjeren način.

Član 12.

Sjednicama rukovodi Predsjednik PFS, a u njegovom odsustvu Potpredsjednik. Način glasanja je regulisan članom 23 Statuta PFS, odnosno natpolovičnom većinom prisutnih ako je postignut kvorum za održavanje sjednice. U slučaju nerješenog ishoda glasanja glas Predsjednika je odlučujući.

Član 13.

Predsjedavajući po vlastitoj procjeni može oduzeti riječ, ili udaljiti sa sjednice, člana IO, ako procjeni da isti narušava red, vrijeda, nedolično se ponaša, ometa rad organa i sl.

Član 14.

Predsjednik je dužan pratiti rad svih članova IO, njihov odnos prema obavezama i zadacima, poštivanju propisa i odluka, a po svojoj procjeni zbog propusta može iz IO isključiti do 1/3 članova. U slučaju da se radi o više članova dužan je sazvati Skupštinu PFS.

Član 15.

Tri neopravdana izostanka sa sjednice IO povlače automatsko isključenje iz tog organa, uz pravo Predsjednika da na mjesto bira novog koga treba verifikovati prva naredna Skupština.

Član 16.

Usvojene odluke, zaključci i stavovi IO su obavezujuće za sve članove IO bez obzira na vlastito mišljenje, a njihovo nepoštivanje povlači disciplinsku odgovornost.

Član 17.

Svaki član IO o bilo kojoj tački nakon glasanja, koje po njemu nije odgovarajuće može tražiti da se zapisnički konstatuje njegovo izdvojeno mišljenje, koje ga ne oslobadja sporovodjenja donešene odluke.

Član 18.

Svaki izostanak sa sjednice se pravda Predsjedniku, a neopravdani izostanak se mora pismeno evidentirati.

Član 19.

Za izvršavanje pojedinačno postavljenih zadataka članovi IO direktno odgovaraju Predsjedniku PFS.



Član 20.  
Sjednice IO se moraju održavati najmanje jedna u dva mjeseca, a po potrebi i češće.

Član 21.  
Svaki član IO može podnijeti ostavku na rad u organu za što ne snosi nikakvu odgovornost, izuzimajući ako ostavka ne bi bila presretanje- izbjegavanje eventualne disciplinske kazne zbog učinjenog prekršaja.

Član 22.  
Za svaku sjednicu Predsjednik, u dogovoru sa generalnim sekretarom, predlaže dnevni red, po mogućnosti obrazložen, kako bi se lakše donosile odluke. Izuzetak može biti sazivanje sjednice kada se radi o hitnosti iskrsllog problema.

Član 23.  
Predsjednik je nalogodavac za izvršenje svih odluka u savezu, dužan je pratiti rad svih organa u savezu, uz pomoć generalnog sekretara, a u slučaju da procjeni da isti ne izvršavaju zadatke dužan je izvršiti smjenu istih.

Član 24.  
Predsjednik je dužan staviti veto na svaku nezakonitu odluku bilo kog organa Saveza, izuzimajući odluke Skupštine. U stručnoj prosudbi u takvoj situaciji pomoć-tumačenje mu je dužan dati Generalni sekretar saveza.

Član 25.  
Komisije kao savjetodavna tijela su dužne poštivati propise iz oblasti za koju su zadužene, odluke donositi natpolovičnom većinom, raditi uz stručni nadzor sekretarijata saveza, a za svoj rad direktno odgovaraju IO PFS.

Član 26.  
Pravna tijela iz člana 26 Statuta su autonomna u svom radu, odgovorna Skupštini PFS koja ih razriješava i bira i isključivo rade na osnovu Statuta i Pravilnika. Članovi Pravnih tijela ne mogu biti članovi Skupštine, IO-a niti članovi ostalih komisija.

Član 27.  
Svi članovi PFS koji mogu biti obuhvaćeni ovim poslovníkom u svakom odlučivanju koje se odnosi na sredinu iz koje potiču/fudbalsku/ili kada se odlučuje o nima samima mogu uzeti učešća u diskusiji, objasniti svoj postupak i slično, ali kod donošenja odluka moraju napustiti prostoriju i izuzeti se od glasanja.

Član 28.  
Usvajanjem ovog Poslovníka o radu organa PFS prestaju da vrijede odredbe Poslovníka usvojenog od strane IO PFS Gradiška na dan 12.04.2002.godine

Gradiška, 13.09.2012.godine

